

明善堂詩集

明善堂詩集卷二目錄乙卯

立春

上元日

春雪

風箏

春夜聞鐘

春日漫興二首

柳絮

瓶中牡丹

過賈公祠

趙新店古松

咏木香花

山莊雜咏

晚香亭

凝香齋

松風里

先得月

蘿月山房

水色山光

水天一色

四知堂

二樂軒

快哉風

快志堂

蓬瀛深處

憇問

讀竹樓記因題

賦得瑤池十丈藕花香

得香字

賦得黃鸝送好音

首句限前人句起

鮮荔枝

聞簫

雨後見庭下蔬長澆成

秋在六月中

題靜宜書屋

種竹

七夕前一日

七夕

新秋初霽

明善堂詩集卷二 乙卯

立春

鳳朔初頒節候新和風暖日慶良辰光生萬物知
恩溥擊鼓迎來滿屋春

上元日

滿城燈火燦如星時喜春光數日晴正是風和處
處暖

堯天共慶

泰階平

春雪

瑞雪輕霏散九霄
寒花片片上春條
不知何事先
零落隨着東風到處飄

風箏

紙鳶飛上自悠然
一線穿雲到碧天
韻叶宮商風
遞遠人疑仙樂九霄邊

春夜聞鐘

春露初零一院涼
坐觀書史百花香
忽聞闔苑鐘
聲度月正穿簾入畫堂

春日漫興二首

獨愛山幽小徑斜
晴溪激灩映春花
畫橋幾處垂楊下
貪聽新鶯晚到家

其二

滿苑春光日未斜
晴欄凭處喜嬌花
流鶯碧樹聲初歇
簾靜風和燕子家

柳絮

獨坐書齋柳絮飛
春光漠漠草菲菲
却憐二月風初靜
晴雪簾前映晚暉

瓶中牡丹

膽瓶三五插天香
白白紅紅燦畫堂
漫道羣芳舒
艷早殿春偏是百花王

過賈公祠

山畔荒村廟一堂
浪仙遺跡寄禪房
最憐驢背推
敲意直到於今誰頡頏

趙新店古松

僻地蒼松古森然
葉不凋遙瞻龍甲動
人道歷三朝

咏木香花

好將顏色粉中開
香引遊蜂到案來
豈是尋常閒
雨露名園初折一枝回

山莊雜咏

晚香亭

欵步林巒正夕陽
晚香亭北得風涼
池塘雨過蓮
爭放坐到更深月上廊

凝香齋

紫白花開接艷陽
晴烟細細罨橫塘
嵐光掩映清

幽甚更有香風到畫堂

松風里

最愛青松茂千年色不凋清風能解暑相對意逍遙

先得月

閒亭高映水中央陣陣晴風晚送香明月一輪林際出清暉先得照池塘

蘿月山房

滿架籐蘿生長一溪流水潺湲林際半輪明月湖

中萬朶紅蓮

水色山光

池上鴛鴦戲暖風登臨疑近玉華宮
柳依曲水條綠花發山南處處紅

水天一色

澄澈遙空相映流斜陽風靜更清幽
天光直與湖光接點點蒨花一鷺浮

四知堂

檻外花開的的紅階前蘭蕙引香風
清光岌岌人

初靜坐此真思楊震公

二樂軒

舊有池臺接曙暉階前花放草初肥軒名非獨宗
先哲却愛魚遊共鳥飛

快哉風

喜披亭上快哉風葱鬱林塘四面通西嶺雲歸新
霽後一輪明月正當空

快志堂

堂高先得日光浮畫檻和風綠水流燕子誰知亦

解事啣將春色過瀛洲

蓬瀛深處

仙島蓬瀛日色開
名花嬌放遶亭臺
四圍碧水晴紋漾
兩岸春風長綠苔

憇間

憇間消暑足清閒
前挹池塘後接山
萬綠叢中風寂寂
一鈎新月釣溪灣

讀竹樓記因題

聞說黃岡有竹樓
江山花木甚清幽
焚香默坐觀

周易一棹何時作勝遊

賦得瑤池十丈藕花香

得香字

雨霽瑤池好納涼
新荷開處鬪紅粧
斜陽風靜人初折
解語携來一片香

賦得黃鸝送好音

首句限前人句起

綠樹陰濃夏日長
好音風裏帶微涼
黃鸝似覺人閒靜
伴我書聲到夕陽

鮮荔枝

絳囊新劈露天漿
豈是蒲桃味可方
不效貽圖白

居易擎來且嗅宋家香

聞簫

涼風初吹雨餘天何處簫聲落檻前
一片清幽明月下徐聽差勝理冰絃

雨後見庭下蔬長湯成

庭前新種幾行蔬雨後苗生地脉舒
綠葉漸看隨日長秋來采采定堪茹

秋在六月中

三庚猶未退秋氣自西來梧葉初飄落
涼風吹綠

苔

題靜宜書屋

書屋新題景色蒼時時閒坐領秋光
窻前梧响因風至苑後篁幽待月涼
書史靜觀塵不到陰晴頻換日偏長
朱欄偶倚心神暢堦下名花處處香

種竹

苑中寬濶宜栽竹却向閒園帶雨移
綠葉風吹聲戛戛碧竿月照影遲遲
幾多直節凌雲起一樣虛心湛露滋
好待歲寒霜雪後看他松柏正同時

七夕前一日

梧桐未落早驚秋
蓮漏沉沉月一鉤
樓上穿針明日事
銀河猶自隔牽牛

七夕

雲澹天孫織碧霄
又看銀漢渡星橋
神仙也重輕離別
會否今宵話寂寥

新秋初霽

金井梧桐葉落時
碧天雲淨雁聲遲
蛩吟唧唧花間出
無限新涼到玉墀

明善堂詩集卷三目錄

丙辰

上樂古塔

病中見柳絮

寶勤堂雨中觀景

得堂字

咏盆中小松

晚霞

聞蟬

咏夏日冰

夏日閒步

憶交輝園

立秋

新秋喜涼

題趙千里縹渺仙居圖

秋日書齋印事

咏玉磬

秋雨

新月

題元人盛懋輞川圖

中秋

賦得秋露如珠

得秋字

九日

賦得秋月揚明輝

得明字

深秋月夜偶成

雪霽

咏萬年青

過昌運宮有感二首

長至日

聞鶴

郊外遠眺

明善堂詩集卷三

丙辰

上樂古塔

何人遺跡坐深山古塔高擎不易攀
樹老烟荒禪寂寂空令夕照碧潺湲

病中見柳絮

病裏書齋試茗泉東風猶拂暮春天
最憐輕薄楊花態飄去桃邊復李邊

寶勤堂雨中觀景

得堂字

梅雨霏霏玉砌傍迎風滴瀝聽飛揚
湘簾只覺塵

明善堂詩集

卷之三

難起芸閣偏宜景自涼池面躍魚遊似錦亭前棲
鳥弄如簧悠然獨坐觀書史香篆微飄在草堂

咏盆中小松

天矯形蟠色不凋枝雖盈尺勢凌霄誰將白石玲
瓏綴直是天台一幅描

晚霞

一幅晴霞麗碧空綠窓遙對晚來紅誰將織女機
頭錦點綴長天入畫中

聞蟬

綠槐深處午風涼
斷續蟬聲逸韻揚
記得西園遊賞日
高吟池畔送斜陽

咏夏日冰

暑氣橫空晝漏長
冰盤相對自生涼
玲瓏映澈纖塵淨
一滴分來勝玉漿

夏日閒步

一帶濃陰綠正長
閒遊曲徑遶迴廊
花香鳥語微風起
斷續蟬聲送夕陽

憶交輝園

憶昔名園歡賞時
春花夏木色多奇
不知當日乘涼處
綠草猶能長碧池

立秋

雨過霞飛風靜天
紅蓮池沼正爭妍
讀殘閒步驚秋至
一葉新飄落日邊

新秋喜涼

金風乍起已驚秋
小苑蛩吟暑漸收
最是涼生明月上
移來梧影到牀頭

題趙千里縹渺仙居圖

亭遠依山麓晴流映碧空雲痕迷古洞花色滿仙
宮翠竹敲新粉蒼松撼晚風幽禽翔樹底野鹿臥
芝叢妙境誰人繪天然奪化工

秋日書齋卽事

梧葉驚秋早風飄玉砌傍芸幃添逸興綺閣納清
涼展卷思遺事拈毫覺晝長不須嫌寂寞高臥樂
羲皇

咏玉磬

山川清淑結精英制就明堂樂器成記得后夔曾

曼擊鏗鏘傳出太和聲

秋雨

疎疎細雨嫩涼生人在瑤池暑不生雲物乍添新
節景梧桐葉上動秋聲

新月

碧天無際暮雲收露靜風清月一鉤正是桂香微
動處清光斜照恰當樓

題元人盛懋輞川圖

峻嶺凌霄漢仙居花色稠琳宮深樹隱畫舫小橋

浮鶴鹿依山麓漁樵話渡頭虬松撐古岸修竹戛
芳洲嵐彩含晴翠雲光澹碧流烟霞神筆墨寫得
輞川幽

中秋

宵坐湖山靜不聞玉京秋色正平分桂香輕散晴
風外金鏡忻無半點雲

賦得秋露如珠

得秋字

碧林新月滿庭秋仙掌高擎露未收沆瀣自應天
上足明珠萬斛未輕求

九日

黃菊初開映早霞欣逢九日興偏賒登高最是名園好山畔吟歸日欲斜

賦得秋月揚明輝

得明字

夜月正三更穿簾分外明飄飄涼葉影歷歷斷鴻聲無限樽前思遙憐塞上情高眠依角枕虛室有餘清

深秋月夜偶成

小苑蛩吟夜正深銀盤隱隱上瓊林黃花簾外香

風起更有鐘聲縹緲聞

雪霽

獨向寒窓蕪篆香新晴天氣雁聲長宛然一幅王維畫積雪溪山映夕陽

咏萬年青

蔥蘢嫩葉色長新薄植能留天地春好是案頭相對久不凋應得比松筠

過昌運宮有感

昌運宮前淚昔垂今朝重過復含悲門庭烟鎖空

秋草並有衰楊任晚吹

其二

殿宇依然對夕陽
匆匆策馬駐南岡
松枝滿地蒼苔滑
瑟瑟西風拂面涼

長至

一陽初復應黃鐘
刺繡初添一線工
此日寒回春意動
梅花新笑畫樓東

聞鶴

數聲嘹唳九霄晴
夾日穿雲雜鳳鳴
丹頂已成毛

羽滿排空萬里不勝情

郊外遠眺

節屆深冬後行圍郭外田荒村餘積雪峻嶺鎖寒
烟犬吠依蕭寺鴻聲度遠天停鞭凝望處風景最
幽然

原缺

久旱得雨詩以誌喜

賦得荷氣初聞處

賦得千章夏木清

奉

旨內庭行走乾清門侍直恭紀

雨後庭草新綠

蘭花

恭謁

泰陵途中口占

明善堂詩集

卷之四

目錄

二

途中晚景用唐人韻

秋夕

咏桂

榆林晚眺

賦得滿城風雨近重陽

二首卽用是句起限香字

恭祝

母壽

二首

書窓夜雨

種菊

卽事集詩牌

題強國忠畫

十首

隨

駕祭

秦陵途中微雪

早行見山頭積雪

盆中梅花

明善堂詩集卷四 丁巳

咏月

如鈎轉眼便如弦
漸漸光華滿碧天
待得十分圓
足後清輝無限照林泉

春日閒坐

靜掩朱扉意灑然
閒來獨坐艷陽天
乍聽好鳥啼
聲細漸看春光弄
態妍滿架詩書依舊幌
一庭風月又新年
焚香煮茗渾無事
清雅身如在輞川

春日喜雪

和風吹柳未成絲，飛絮驚看滿玉墀。最是小山遙指處，疎林點點似南枝。

賦得積照朗彤闈

雨雪初晴後，寒光散九天。漏沉鷄欲唱，月落鵲驚喧。素影侵簾動，清輝靄戶前。當春占大有，瑞景兆豐年。

春池冰泮

上苑春初至，風和麗日長。柳絲將染綠，花色漸舒香。殘雪流爭瀉，清池波乍揚。遊魚貪負暖，不向澗

邊藏

古嶰村曉行

和風吹散古林鐘
片片閒雲掛遠松
最是小橋楊柳綠
晴光遙映兩三峯

隨

駕至太平峪奉安

泰陵地宮恭紀

春日初長刻漏遲
哀情含淚矚靈旗
青山雲起連烟樹
綠水風吹映柳絲
天上飛鳥增慘切
堤邊走

馬助悲思

泰陵齊指幽宮近，叠翠層巒總護持。

夜靜口占

和風初拂艷陽天，暫別

慈顏一念懸。午夜漏深人寂寂，夢中猶自侍堂前。

馬陵古寺

綠柳依依映短牆，巍峩廟貌已荒涼。烟殘露冷行人少，惟有溪流古栢香。

上釜山

直上山巔四望平春風迢遞日初晴
停驂自覺塵凡遠好鳥芳林時弄聲

至石龜山題遵化寺

石龜古寺松林隱前有清流後有山人坐
春風看瀑布烟村絕似畫圖間

春晴

麗景融和春晝長雨餘深院散幽香
林花新浴偏呈態砌草初沾更吐芳
池內躍魚依綠藻簷前舞燕語雕梁
韶光遍地堪娛賞不禁鶯啼送夕陽

望雨口占

聖主憂民沛澤長，勤求甘雨慰羣方。
何時霖霖涵濡足，得慶西成報賽忙。

初夏綠蔭書屋卽事

漫捲湘簾散篆烟，薰風陣陣拂堦前。
鶯梭下上晴林外，燕剪差池畫檻邊。
砌下花開香滿座，庭中草長綠爭妍。
荒齋底事消清晝，學得觀書契風緣。

習射

中庭較射鼓聲闐，武備原同文事連。
志毅但求心

體正主皮何必力爭穿

久旱得雨詩以誌喜

聖主憂民念格天沛然甘雨灑堦前緣知秋種糧堪
補喜見盆榴色倍鮮處處歡聲喧市井家家款語
事農田分明珠玉穹霄降儉歲還期作有年

賦得荷氣初聞處

朱明風動日初長早有紅蓮透曲塘閒向柳陰深
處坐吹來一片是清香

賦得千章夏木清

一片清陰合輕塵靜不生槐陰偏漏月柳蔭自藏鶯
雲淡疑無影風微漸有聲凭欄無個事閒眺足
娛情

奉

旨內庭行走乾清門侍直恭紀

五更斜月見鴉飛旭日將升啟曙暉金闕向明鐘
乍動玉墀待旦漏初稀瑞雲繞處開黃道湛露凝
時近

紫微鴛鴦班齊承

詔旨御香偏染侍臣衣

雨後庭草新綠

二庚酷熱正難當
雨後空階一片涼
生意却教小草占
添來嫩綠幾多香

蘭花

自是幽人佩名爲王者香
慈幃欣賞遍分得一枝芳

恭謁

泰陵途中口占

明善堂詩集

卷之四

五

四面青山翠作圍
幾株疎柳曲河依
秋來景色供詩思
爽氣晴風透客衣

途中晚景用唐人韻

綠暗山中集暮鴉
溪南溪北樹交花
荷鋤讓畔淳風處
想見

恩流比櫛家

秋夕

上苑風清梧已飄
竹間鶴唳度秋宵
山光水色晴霞散
一片新涼月影嬌

咏桂

桂樹生南國移根傍畫欄清香披拂處疑向月中看

榆林晚眺

一帶青山映暮霞秋林疎處見歸鴉小亭淪茗閒相望村北村南盡麥花

賦得滿城風雨近重陽

二首卽用是句起限香字

滿城風雨近重陽落葉聲聲拂檻涼苔潤閒堦蛩語靜簾前菊影逗新香

明善堂詩集

卷之四

六

滿城風雨近重陽靜坐山齋几席涼
窗外桂花飄拂處敲詩不覺硯生香

恭祝

母壽

二首

承歡膝下受恩深益壽筵前桂似金
願並菊花呈瑞彩年年長得慰

慈心

瑤階拜祝進霞觴願比南山壽自長共沐

天恩綿世澤百年歡樂慶隆昌

書窻夜雨

片片雲凝壓鳳城蒼苔細雨潤無聲庭前只有芭
蕉葉一夜蕭蕭直到明

種菊

移向園亭着意栽幾枝黃菊趁秋開經霜傲骨能
超俗最愛清芬入座來

卽事集詩牌

玉露秋空見雁羣月明風靜夜初分西軒閒臥人
無事忽有猿啼隔澗聞

題強國忠畫

十首

曲徑通幽遠俗塵
板橋流水是通津
柴門靜掩人無事
絕似羲皇已上人

二

山村晝靜日初長
松柏清陰護草堂
最愛閒眠午睡足
鳥聲催送野花香

三

重疊山巒鳥亂啼
深林小築任幽棲
閒時汲水呼童煮
好試新茶坐院西

四

窻明几靜又身閒
隨意詩書讀幾篇
不捲湘簾留水色
隔溪聽喚打魚船

五

石砌層層竹樹稠
風聲清越鳥聲幽
白雲吞吐長來往
下有閒人看牧牛

六

綠樹陰濃罨碧溪
溪邊野老坐苔磯
是非拋棄烟霞外
濯足清流日色微

七

菜竹森森映碧紗
高樓靜對數峯遮
筍羹麥飯晨昏足
稚子山妻笑語譁

八

晴峯斜矗小樓西
嶺上雲過樹影齊
流水板橋人語靜
釣竿初罷夕陽低

九

雨後山村六月涼
熏風時拂稻花香
魚簖蟹舍農家景
野老相逢話覺長

十

著意看山山有情一峯未盡一峯生歸來倚杖柴
門裡牛背斜陽有笛聲

隨

駕祭

秦陵途中微雪

六出花飛霑壠麥田間父老笑相呼

聖心有感天心順故散瓊霙滿路途

早行見山頭積雪

疊嶂層巒玉作圍
馬蹄行處映朝暉
傳呼警

蹕山村靜朔吹微
寒到客衣

盆中梅花

知是庾山第幾枝
小盆靈石伴幽姿
書寫意靜對清
香襲疎影看他月上時

明善堂詩集卷五目錄

戊午

元日早朝

賜諸王宴及綉緞等物恭紀

再至交輝園有感

山行

園桃初放

暮春卽事次韻

咏牡丹次韻

蓬瀛深處午睡

白雲深處卽事

湖心亭

瓶中芍藥

初夏雜咏次韻十首

雨窻卽事次韻

含輝堂乘涼

山亭卽事

池中荷花

舟行避雨蓬瀛深處

霽後看山

咏柳次韻

水天一色阻雨因題壁上

雨後泛舟

雨中泛舟

七夕

八月十二日奉

旨好學等王皆賜書

臣

蒙

賜日知蒼說樂善堂文集周易重訂等書不勝感

激之至爲此恭賦

送四兄奉使出塞

雨霽山行

曉行卽事

重陽後一日園中卽事

秋夜舟行

深秋雜咏十首

喜雪

冬日郊行

重過紫涼寺

冬至病見月映梅花

賜夢墨樓法帖恭紀

明善堂詩集卷五

戊午

元日早朝

寶歷初更景運昌

一人端拱正當陽金堦拜舞

天顏喜浙浙庭燎夜未央

賜諸王宴及綉緞等物恭紀

綸綍敷宣日飲和宗籙欣聽蓼蕭歌

頒來內府吳淪錦歸進

慈萱喜氣多

再至交輝園有感

風光舊相識引我聽清泉岸柳多舒綠山桃又放
妍鳥聲流曲徑花影入虛船日暮不歸去行行憶
昔年

山行

層巒深處隱柴扉日日遊春晚未歸花信幾番風
送暖穿林黃鳥自飛飛

園桃初放

誰洩春光入苑來美人笑口不輕開日遲莫管漁

人事醉摘花枝緩步回

暮春卽事次韻

園中小築似農家十里舟行看落花
夾岸千條楊柳線繞堦一簇牡丹芽
軒開北面飛春雨門對西山映暮霞
待到夜闌人靜後晴溪深處聽鳴蛙

咏牡丹次韻

紅白相兼壓衆芳朱欄干外試新粧
清芬飄拂凝朝露濃艷紛紛披映夕陽
一捻風光呈國色十分春思闕
天香看花每動瞻雲意擬奉安輿到

明善堂詩集

卷之五

二

北堂

蓬瀛深處午睡

日長無事臥匡牀一枕羲皇午夢涼
睡足靜聞花氣盛微風又送鳥聲長

白雲深處卽事

靜掩雙扉日影斜薰風拂柳蝶穿花
呢喃紫燕啣泥去遙見青帘是酒家

湖心亭

翠嶂青屏映綠川漁舟緩棹小橋邊
偶來亭上湖

心坐一片清香到檻前

瓶中芍藥

婪尾花開壓衆芳折來濃艷置書堂一瓶新汲添
生意風度疎簾不散香

初夏雜咏次韻十首

風吹楊柳聽啼鴉雨過青山起曙霞讀罷日長無
個事堦前閒步看幽花

其二

獨步芳園畧約東潺湲一曲水流通鹿眠恰好青

山麓花草相依趁暖風

其三

光陰如駛惜春歸
滿目飛花鶯漸稀
惆悵芳時一瞬過
開窻無計駐晴暉

其四

月上松梢映薜蘿
小橋橫處水平坡
扁舟回棹尋芳逕
漫叩柴扉景自多

其五

晝長無事倦難支
讀罷詩書日影遲
捲起湘簾淪

新茗晴雲遙映硯凹池

其六

春去名園草自長呢喃小燕語雕梁堦前榴火看
初放蜂蝶飛飛一樣忙

其七

池亭清靜養閒心好向殘編仔細尋昨夜小園風
雨足一林花鳥起間吟

其八

轉過松齋卽柳溪門前一片是芳畦歸來笋蕨初

嘗後窻外斜陽見又低

其九

霞散雲停印碧川
薰風初拂野花鮮
小樓閒眺晴烟外
最好村南是稻田

其十

放艇閒行到後湖
橫橋東去接平蕪
一亭小雨新晴後
碧樹青山似畫圖

雨窻卽事次韻

輕雲片片柳藏烟
細雨如絲到檻前
池面遊魚穿

苕出山腰馴鹿藉苔眠初添新竹枝枝綠更愛擎
荷葉葉圓一陣晚風涼欲動好憑詩酒上漁船

含輝堂乘涼

綠樹沉沉午正長身閒淪茗自乘涼坐來不用蒲
葵扇自有清風入畫堂

山亭卽事

雨過山亭六月寒擎荷水面葉如團波光雲影添
幽趣相對心清獨倚欄

池中荷花

明善堂詩集

卷之五

五

亭亭菡萏水中央時拂清風一片香靜裡欣看花
色好移舟採得上

高堂

舟行避雨蓬瀛深處

清風飄拂柳枝斜細雨新涼透碧紗行到綠陰聊
繫艇登樓遙見捕魚家

時有捕魚者

霽後看山

退朝無事過蓮塘霽後風清午亦涼最愛西山山
色好垂楊深處接嵐光

咏柳次韻

雨洗垂楊色倍濃
枝枝新綠映池中
吟蟬斷續斜陽外
夾岸清陰處處同

水天一色阻雨因題壁上

正練澄波接遠天
天光水色自相連
忽經小雨窻前過
一片迷濛鎖柳烟

雨後泛舟

細雨如絲掛碧天
一隄深綠映清漣
中流時見魚吞藻
正好初晴放畫船

雨中泛舟

霏霏細雨遍橫塘，獨上扁舟傍綠楊。
最愛荷花似新浴，清風一片散餘香。

七夕

捲簾夜靜月光幽，今夕簷前看女牛。
天上明河橫鵲影，人間笑語在針樓。
金風陣陣庭前動，玉露霏霏葉上稠。
乞巧年年傳故事，雨餘天氣正初秋。

八月十二日奉

旨好學等王皆賜書

臣蒙

賜日知蒼說樂善堂文集周易重訂等書不勝感激
之至爲此恭賦

聖德屢叨深且重
瑤函 頒發自

宸居侍臣新近傳

天語好學諸王皆賜書

送四兄奉使出塞

定省晨昏弟與兄 朝回每每一同行
忽聞奉使東關去也折垂楊送禁城

雨霽山行

雨霽看山山有情，纖塵不起馬蹄輕。
晴光歷歷凝空翠，遠接澄鮮秋氣橫。

曉行卽事

秋雨初晴後，風來動早涼。
疎林猶掛月，細草已凝霜。
曙色含高嶺，朝烟籠曲塘。
長鞭輕拂馬，指點話山莊。

重陽後一日園中卽事

景到深秋分外幽，乘閒徐步過芳洲。
蓼花灘畔棲鴻雁，楓葉林邊繫小舟。
霜影初飄寒欲動，砧聲四

起晚來悠黃化喜放東籬下應效陶潛載酒遊

秋夜舟行

月掛松梢景倍幽殘霞幾片隔峰收中流擊楫澄
波靜秋影蕭疎好放舟

深秋雜咏十首

風吹落葉滿園秋煮茗焚香事事幽日上小窓看
竹影參差如畫墨痕浮

其二

柴扉半掩徑幽然寒日移窓晝自眠犬吠數聲知

明善堂詩集

卷之五

八

客至呼童接出小橋邊

其二

楓葉初飄繫小船
攜書緩步釣磯前
賓鴻兩兩穿雲去
日暮寒霞散碧天

其四

秋老園中景倍多
霜飛葉落積前坡
澄波如練堪移棹
遙聽蘆花一曲歌

其五

西風一棹放中流
兩岸楓林已暮秋
最是斜陽吟

賞處不知新月上山頭

其六

月掛山頭映竹林亭前閒步偶成吟
寒砧隱隱秋風外歸到書齋夜正深

其七

菊放東籬色倍鮮
敲詩把酒坐簾前
滿天寒意歸鴉急
入耳清歌何處傳

其八

風吹黃葉自飄飄
秋暮園中草木凋
無數晚香深

院護閒看景色未蕭條

其九

更闌獨坐漫吟詩半壁簾前月影移
添得數枝寒竹瘦紛披偏待晚風吹

其十

柴門雖設日長關蘆荻洲前自往還
黃菊正開楓正醉夕陽一片映秋山

喜雪

玉龍三百萬盛戰出遙空
鬣舞梨花雨鱗翻柳絮

風肥添溪畔竹寒綴嶺頭松匝地滋新麥山農樂
歲豐

冬日郊行

北風乍捲西山雪驕馬嘶寒怯玉鞭短草未燒黃
滿目一聲雁唳落雲邊

重過紫涼寺

禪房寂靜昔曾遊一片清涼鏡水流謝屐重來僧
漸老空餘落葉滿山頭

冬至病見月映梅花

圍爐獨坐覺寒深
鶴骨峻嶒病此身
好是梅花與
明月參橫院落却宜人

賜夢墨樓法帖恭紀

灑灑

宸翰賜

小臣

硬黃古榻墨痕新

天心特示臨池法
敬對軒窓會筆神